

四庫全書

史部

欽定四庫全書

湖廣通志卷八十

古蹟志

寺觀

長沙府

長沙縣

泐潭寺在城北新開門內

鐵佛寺在湘春門外唐法華禪師建寺有三鐵佛因
名

開福寺在湘春門外五代馬殷建保寧禪師飛錫處
書堂寺在縣北唐歐陽詢父子讀書於此因名

雲山寺在縣北

智度寺在縣北五十里

善化縣

太乙寺在縣西南即古上清宫舊寺在德潤門內唐
太乙真君煉丹於此時與僧孤月闡性命之理元至
元二十五年改遷今地有泉名太乙池池有金龍長

七寸許嘗隱不現盛夏偶出置磁盤浴之頭角鱗爪畢見

嶽麓寺在嶽麓山晉太始四年法崇禪師創建南北朝至唐並稱名利宋元祐間智海禪師復大興法席唐李邕碑今存

道林寺方輿勝覽在嶽麓山下距善化縣八里寺有四絕堂保大中馬氏建嶽麓志自碧虛盤紆而下衍為平拓之區者道林也林蔚茂而谷幽清得碧虛之

氣大江在其襟袖雖撓拙亂流濤飛雪而深靜自如可以體道杜少陵花鳥友于之句非身其妙不知唐馬燧作清修精舍名曰道林唐杜甫嶽麓道林二寺詩玉泉之南麓山殊道林林壑爭盤紆

壽星觀初在驛步門內後移建通貨門內旁有南極殿供奉壽星

湘潭縣

懺心寺在城外西北郊明李騰芳建

唐興寺在縣南唐褚遂良貶潭州登陶公山過石塔寺瞻念長安因改名唐興

廣林寺在十四都

湘陰縣

雙林寺一名南泉寺在縣南明王槐記畧邑有寺曰雙林世傳宋紹興間有浮屠惠光始排蓬藿創是寺成化丙戌邑僧德湧又治其故而侈之寺去邑南五里當湘邑之勝其雲幻山詭極幽遐奇絕之觀

南陽寺在南陽渡舊為楚屈平祠

白鶴觀在縣東六十里宋葉時記畧湘陰白鶴山在
長沙之下洞庭之上峻拔二十里周匝二百餘里陶
澹真人之故廬在焉

湘鄉縣

慈雲寺在儒學左唐大厯間禪僧思大建明洪武已
酉僧惠心重修

鳳凰寺在東臺山唐景雲二年嶽麓僧迥登山見恒

氏二仙女洗藥於井遂手植紫檀香樹因建寺焉明
永樂庚寅僧以傳重修

麻鞋寺在二十二都寺前池中有巨石上有仙人鞋
履跡及二桃痕

顯真觀在縣治西唐開元五年建

醴陵縣

小瀉山寺在縣東二十五里唐大緣禪師建

明蘭寺在縣東七十里唐九峯禪師建

靖興寺在縣西世傳唐李靖駐兵於此明永樂間重修王守仁靖興寺詩僧居却在雲深處別作人間境界看

泗州寺在縣西南

金華觀在縣東唐建

攸縣

證果寺在城內三登坊梁天監二年檇樹禪師建

保寧寺在東江鄉唐元和二年勇禪師建長髭曠禪

師繼闡宗旨明洪武三十年僧無瑕重修

洞靈觀在三登坊下唐開寶間道士尹大初建

益陽縣

白鹿寺在縣南唐元和間僧廣慧建司馬頭陀所卜地

延祥寺在縣西百里唐元和間定州僧圓和建有龍化為白鬚翁聽講臨去畱獻佛牙宋賜額曰龍牙寺迎真觀在縣治西

瀏陽縣

黃曇寺一名投老庵在黃曇洞內四望皆山獨其中
寬衍百丈臨濟三十二世主法禪師曉庵昱行腳至
瀏遂卜築於此題曰投老庵

道吾寺在二十四都道吾山唐修一禪師建師初覓
道場行至半山路塞忽雷震巨石石裂始得路至石
湫上見白衣老人危坐參師曰吾此山龍神黎姓吳
人也守是山待師四十餘年矣遂立道場於此號曰

道吾

昇僊觀在縣東孫隱山下孫思邈煉丹處

寧鄉縣

香山寺在縣治西宋淳祐間建

密印寺在大瀉山之陰

同慶寺在大瀉山麓傳燈錄瀉山禪師大中初觀察使裴休請師復至所居連帥李景讓奏額曰同慶寺禪會特盛緇侶輻輳師敷揚宗教凡四十餘年

白鷄觀在縣西玉几山之陽元至正中有白鷄飛止
其地因名

安化縣

報恩寺在治西宋時僧愷禪建

啟寧寺在縣東南宋熙寧間上下梅山各建佛寺以
熙寧字分名新化建承熙寺安化建啟寧寺

廣化寺在芙蓉山

茶陵州

定林寺在州城南對河宋文郁禪師建明張治定林寺詩下馬秋山寺雲林第幾重

旌忠寺在州西明張治碑記畧青雲庵去城西郭里許宋旌忠祠故址也南渡寇曹成比衆萬人武穆討焉成走茶陵武穆追至之成遂就俘從戰陣而歿者以其骨函之西郊殯焉奏建祠祀之額曰旌忠弘治癸未王參戎君錫奉武穆主祀焉

雲陽寺在州西十里雲陽山下唐咸通元年建明洪

武中重修

大善寺在州北宋淳祐間建

崇寧寺在州西南梁天監二年建明洪武元年重修

青霞觀在州城南蕭梁時州有饒道亨僊去即其宅
為洞真觀宋初主觀事胡元雅亦有道術香火日盛

其季年改賜曰青霞元虞集有記

長生觀在州西即尹氏明經書院

衡州府

衡陽縣

鴈峯寺在城南里許舊名乘雲寺唐天寶元年建稱活佛道場以無量壽佛所駐錫也寺前有望嶽亭亭東有樓曰望鴈東俯湘流可供瞻眺

花藥寺在城西南舊名報恩寺宋寶祐年建相傳晉黃葛二公煉藥處蔡汝楠詩藥徑盤回初入寺禪房行遍又看山

太平興國寺在城南六朝時梁海尊者棲止其地遂

為道場相傳寺後為龐居士宅宅左有靈照井唐武
宗大中四年始勅能仁寺後改為太平寺元皇慶七
年五月五日雷電交作空中如有人聲及霽見畫圓
光於佛像後題曰天神顯現圓光像太歲庚申五月
書亦大奇事也宋黃庭堅太平寺慈氏閣詩青玻璃
盆挿千岑湘江水清無古今何處拭目窮表裏太平
飛閣暫登臨

西湖寺在城西宋宣和己亥年建紹熙五年勅賜西

湖禪寺

西禪寺在安西門外杏花山宋仁宗時建釋大慧杲
常駐錫於此

古塔寺在城內雍和坊梁天監初梁海尊者建有浮
圖七級

開福寺在城東江岸為宋丞相趙汝愚祠明初改為
寺

湘東寺在縣東二十里零湖明萬厯中建釋憨山德

清卓錫於此

伊山寺在縣政義鄉晉桓伊讀書於此

國清寺在政義都劉宋思大禪師道場唐一行師嘗
習定於此明建文時修

川口寺在衡陽二都寺右有石洞濶數尺深里許居
人莫敢入洞口有泉蒼碧澄泓溉田百餘頃有蛟出
入其中

花光寺在衡陽太平都昔悟禪師嘗養白鷄每誦經

則登膝而聽後鷄死埋於寺側未幾生白蓮花花謝
泉湧因號白鷄泉後有僧花光居寺善畫梅說鄂花
光本蜀僧嘗寫梅作暗香疎影溪雪春風四圖山谷
觀之曰如嫩寒曉春行孤山水邊籬落間但欠香耳
靖康間師徙江南柯亭與陳簡齋並舍而居簡齋詩
有移船來近花光住寫得南枝與北枝之句

靈寶觀在衡陽儒學右宋祥符九年建

龍泉觀在衡陽新城二都相傳有龍潛於井中至今

盛暑其地不燠

尋真觀在城內蓬萊山道士趙素菴於宋淳祐二年
遊衡築觀於此

衡山縣

上封寺在祝融峯上舊為光天觀有司天霍王廟宋
張栻登上封寺詩我尋西園路徑上上封寺竹輿不
畱行及此秋容霽

衡嶽寺在紫雲峯下明正統初建

雲封寺在雲密峯下舊名功德寺宋趙葵建有石竈
石甕存焉

中峯寺在興樂鄉

清涼寺在縣治北

方廣寺在蓮花峯下梁天建中建宋朱張二子嘗遊
於此

福嚴寺在擲鉢峯舊名般若寺亦曰般若臺有唐太
宗御書梵經五十卷今無存

橫龍寺在紫蓋鄉唐貞元初僧如滿賜號佛光大師
由洛陽至衡開山建此寺

丹霞寺在南天門外

南嶽觀在華蓋峯下晉太康八年建梁天建二年修
黃庭觀在集賢峯下為魏元君修道處

銓德觀在紫霄峯頂

九真觀在岳廟東十里一云即壽寧觀梁元帝南嶽
衡山九真館碑簫鼓騰空烟霞相接星辰奪采燈燭

非明風牖雲梁千門萬戶樓施九柱已同瀨鄉之地
山帶五城復類元洲之所玉版之經猶蘊金丹之處
存焉上月台而遺愛登景雲而忘老欣欣不知所
以而然日暉石瓦東眺靈壽之峯月蔭玉牀西瞻華
蓋之嶺竹類黃金既歲蕤而防露木似紅蓮且紛披
而拂日杯傳九醞隱淪之車晨至堂開四扇鹵楹之
鐘夜響

太平觀在嶽廟西二十五里瀑布山下齊褚伯玉隱

居處齊高祖勅建此觀居之

洞門觀在石廩峯西石榴峯南去嶽廟二十里

招仙觀在嶽廟東八里

耒陽縣

金錢寺在縣治北

豐寧寺在縣西三十里左有龍泉洞

蓮堂寺在上堡市元至正中邑人建供奉觀音大士

極靈幻相傳堡市錫坑將陷挖者不已忽近河一女

子穠粧艷態祖襲遊戲水面坑中夫三千人盡出觀
之俄而坑崩坑夫賴以全活其靈異如此

洞陽觀在縣北元建

常寧縣

湘山寺在縣東城內盤龍山下創於唐延祐四年元
泰定時重建

至聖禪寺在縣東大義山有藏經閣千僧鍋宗人府
丞高珩題曰獅子窟

多寶寺在縣東榭林堡

北真觀在縣北門外

安仁縣

慧日寺在縣城北門內

金剛寺在縣東南二十里

鳳凰寺在縣東南三十里

崇真觀在縣西門外

鄆縣

青臺寺在縣城南門內

凌雲寺在三都

龍泉寺在十一都

洞真觀在縣北

桂陽州

能仁寺在州南

廣潤寺在臨壇鄉一都

西方寺在大富鄉二都

五雲觀在州北

蓮花觀在臨壇鄉三都

青雲觀在廣一鄉三都

臨武縣

多寶寺在縣治西

資福寺在縣治西

皇覺寺在縣治南

佑聖觀在縣西關內

白鶴觀在縣東關內

藍山縣

普雲寺在西門外二里許有唐公唐母祠俗云祈嗣輒應

興善寺在東北三里許

壽相寺在大慈鄉

圓通寺在鳳感鄉

玉虛觀在縣東門內

嘉禾縣

普濟寺在縣北門外

上乘寺在縣境

廣法寺在縣境

雲居寺在縣境

永州府

零陵縣

高山寺在城內東山即唐法華寺唐柳宗元有法華

寺新作西亭記

永寧寺在城內東山唐天祐三年建宋太平五年賜額
太平寺在太平門內唐開元寺舊址明洪武初重建
改今名

竹林寺在城東門外明嘉靖間建

鎮峯寺在縣南二十五里嶺峯絕頂

龍興寺在縣西柳子祠右明嘉靖間建

楚興寺在縣西四十里五代時楚馬氏屯兵於此夜

聞鐘聲遂建寺以鎮之有高麗僧鐵山塔

書堂寺在縣北二十里唐僧懷素故居中有遺像

仙居觀在縣南二十里舊名仙居閣

皋堂觀在縣南三十五里

何仙觀在縣西三十五里大聞洞傳是何仙姑故居

綠天庵在城東二里唐僧懷素幼學書庵中貧無紙

乃種芭蕉萬餘株取其葉以供揮灑綠陰翳室庵以

得名

水星庵在縣南三十五里峭石圍繞上有生成石梁
長丈餘

迴龍庵在城北門外庵內旁側為楊誠齋祠

萬壽宮在城北門內鎮永樓上

藥王廟在城北門外二里

祁陽縣

多寶寺在縣迎恩門九蓮庵右

甘泉寺在城甘泉門內縣治西明洪武初建

中宮寺在縣南浯溪輿地紀勝浯溪中宮禪寺本元次山故宅浯溪考宋慶厯中浮屠顯萬建於浯溪之北元祐中僧承亮徙溪上游僧正禰重建

九隆寺在縣北三十里

金蘭寺在縣東北一百里馬江步

玄妙觀在城內

祁山觀在縣北十五里祁山下

白鶴觀在縣東北三十里屈處靜得道處

九蓮庵在縣迎恩門

華馨庵在縣祁山北

東安縣

福昌寺在縣治南宋崇寧間建

壽昌觀在縣治東

清溪觀在縣治西明洪武初建

雲霞觀在縣東北雲霞山頂有仙人遺跡

道州

報恩寺在州治東宋紹興十七年建

迴瀾寺在城東東洲沱水南來濂水西注瀟水并左右溪北出衆水匯於城南此洲獨汭流而上為砥柱中流昔人建寺於洲上控一州之水口

龍華寺在州北瀟川鄉宋乾道間建明正統間重修
福田寺在州東北宜陽鄉破衣禪師居此元侍講學士元明善奉勅撰破衣禪師舍利塿碑文

開元觀在州西南二里

東陽觀在州小西門外

寧遠縣

南林寺在縣南門外狀元坊側元時建

勝因寺在縣西門外宋紹定間建

九疑觀在縣東門外明洪武五年因唐舊址重建

煉丹觀在縣南九疑山明一統志在舜廟北簫韶祀
林兩峯之間中有石白松穿白而生枝柯拳曲如伏
龍狀九疑志其地多產靈草土人有疾取以療之輒

驗

無為觀在九疑山舜祠側王妙想昇仙處唐元結宿
無為觀詩山中舊有仙姥家十里飛泉繞丹竈

永明縣

清涼寺在縣治東

西經寺在縣治西明洪武中建

回山寺在縣西十里

東林觀在縣治東

江華縣

浪石寺在縣治西

普光寺在縣南興德鄉

重元觀在縣南五里唐建

新田縣

寶明寺在縣南四都元建

龍會寺在縣南八都宋乾道初建

龍居寺在縣南十都明嘉靖時建

寶慶府

邵陽縣

古功德寺在縣東三溪鄉

雲巖寺在縣東七十里月湖山下唐元和時建

光孝寺在縣西北唐建元燬明洪武時重建

紫極宮在縣西北宋端平中建元女仙楊道圓羽化
畱詩紫極宮末云琴心三疊胎仙舞振翮佯狂入大
羅

五臺庵在縣東砥柱磯明萬厯間郡人為顓愚禪師建

北塔無念閣在城外江北刺史高漢倡建石塔太當劉應龍建閣於塔前

萬松禪林在縣東六十里明超宗翼禪師建翼初依顓愚法席契印甚久再往候於雲居院臨別顓愚付以偈曰邵陵相見許相親又到雲居遠處尋今日眉毛同舊日劫前一點獨知音翼歸而結椽萬松著有

萬松語錄

北宸觀在縣城隍廟後

棲真觀在城東隅呂純陽嘗跨鶴過此又名曰鶴觀
下有飲鶴池

開元觀在城外江北唐開元中建明初冷謙遊湖湘
嘗寓於此遺跡甚夥又名冷道觀嘉靖間邑人李成
大讀書其中有因尋千樹桃花住帶得六亭春色來
之句

新化縣

承熙寺在縣南宋熙寧五年建

崇陽觀在縣東南半里

武岡州

天寧寺在州治西

法相寺在州南寶方山宋姜相法相小記城南五里

有寺曰法相巖洞深窈為此邦奇觀故御書藏焉因暇領客來遊心甚愛之意所觀不止是也乃命於山

之巔掀茅焚翳得奇石益富千態萬狀軒豁呈露夫
一氣凝結而為石不知其凡幾年前後來遊者不知
其凡幾人至是始得盡觀覽之勝宣昌黎所謂天作
而地藏之以遺其人耶其寺亦圯因從而新之

景星觀在州東一里

玄妙觀在州治南正統間以觀舊址為州治故遷觀
於此

新寧縣

寶安寺在縣治西宋紹興中建明景泰辛未徙縣治
隨遷縣右

觀音閣在縣西二里

放生閣在縣北蓮潭之下石聳起江中知縣王蔚
之閣於上

岳州府

巴陵縣

寧陵寺在城內舊岳州衛署

皇清順治十年知府李若星改建

白鶴寺在城內白鶴山唐建

圓通寺在縣東

白湖寺在縣東六十里唐建

蓮荷寺在縣東唐建

興福寺在縣東宋建

通惠寺在縣東宋建

靈塔寺在縣東宋建

白雲寺在縣東南宋建

乾明寺在縣南晉時建名新開寺五代唐改廣福禪院宋太平興國中改乾明有禪師灝鑑墓

崇聖寺在君山

天慶觀在縣東唐建

玉清觀在縣南宋建

東嶽觀在縣九都宋建

玉華觀在縣十四都唐建

冲霄觀在縣北十五里宋建

臨湘縣

涼山寺在縣東六十里

一歸寺在縣南六十里金竹山下溪壑秀絕為一邑
勝境

至源寺在縣南八十里僧寶方精經典明神宗召入
禁內賜有衣鉢幢幡藏經藏於此

了髻寺在縣東南三十五里

龍潭寺在縣西南八十里明景泰元年建

萬安寺在縣南九十里明景泰七年建

廣化寺在縣南六十里明成化元年建

興國寺在縣南六十里明洪武間建

靈隱寺在縣南五十里唐建

穀山寺在縣東四十里唐建寺內有塔容二僧塔前有栢一株每日樹隙中流穀二升以給二僧一日老僧出募其徒以斧鑿隙欲其多遂止不復有塔亦漸

陳至今基址猶存

崇虛觀在縣東一里宋開慶初建

龍興觀在縣南七十里明正統間建

冲霄觀在縣西南四十五里城陵磯上宋淳祐五年

建

慶仙宮在楚冲里相傳有仙姑修煉於此

平江縣

寶積寺在縣南唐建

北禪寺在縣北唐建

華巖寺在縣北

松峯寺在三陽市

金鋪觀在羅山即漢羅縣故址宋徽宗召道士吳安世赴神霄宮教醮事稱旨賜金壇

崇真觀在縣西

紫青觀在縣東南

觀音閣在縣城西

華容縣

西禪寺在東郭內

觀音寺在石門山

圓通寺在縣北宋名圓通閣

延壽寺在白鼎山

崇慶寺在明山

普蓮寺在望夫山

圓覺寺在龍秀山

真慶觀在南郭外宋紹聖中建

玄石觀在玄石山孫宜詩看松玄鶴去坐石白雲生
谷靜泉愈響青山虛鳥獨鳴

寶慈觀在石門山

禪堂道觀石門墨山二山相連天下奇境唐張說詩
竹徑入陰窅松崖上空蒨草共林一色雲與峯萬變
探窺石門斷緣越沙澗轉兩山勢爭雄峯巘相顧盼
藥妙仙靈寶境華巖壑選清都西淵絕金地東故晏

池果接園畦風烟通臺殿高尋玄石頂曠覽天宇遍
千山紛滿目百川豁對面騎來雲氣迎人去鳥聲
戀長揖桃源士舉世同企羨

常德府

武陵縣

大善寺在縣東半里

木瓜寺在縣東七里

迴峯寺在縣東十里

甘泉寺在縣東六十里宋寇準題三十字云庚申年
秋九月平仲南行至甘泉院僧以詩板示之征途不
暇吟咏但記年月

二聖寺在清平門外

一源寺在縣西車轎村

慈化寺在縣西十里

南湖寺在縣西二十里

神鼎寺在縣西三十里

道林寺在縣南三十里

法洪寺在縣北八十里

文殊寺在縣北八十里

藥山寺在縣北九十里

乾明寺在縣東南善德山道書第五十三福地

光福寺在縣治西南三里有沈公嘯臺古碑題云重
遊沈公臺記餘字漫滅不可讀

報恩觀在縣東一里

靈芝觀在縣東七十里以產芝名

天慶觀在縣西一里

道德觀在縣西二十里居河湫山絕頂

善德觀在縣潛水橋南

神仙觀在縣東北

修真觀在縣西南一里

桃源縣

勸善寺在縣東一里

觀音寺在縣東一里

東禪寺在縣東明王守仁桃源東禪寺詩江草遠連雲夢澤楚雲長斷九疑山

華嚴寺在縣東四十里

芭蕉寺在縣西二十五里

漁仙寺在縣西四十里譚元春漁仙寺詩泉道泠然離磴去石梁奇絕為樓生

白崖寺在縣西五十里

茅葉寺在縣西六十里

馬頭寺在縣北

湧泉寺在縣北五十里

香山寺在縣北一百里

靈巖寺在縣北一百里唐唐續靈巖寺詩一水穿巖
走碧沙沿溪樛木卧龍蛇分明便是桃源洞不見溪
頭流落花

真源觀在縣西三里又名蟠桃觀

遊仙觀在縣南五里

麻溪觀在縣北一百里

龍陽縣

仁王寺在縣東

滄溪寺在縣西滄港

淨照寺在縣西一里東晉時建號香積寺宋淳熙間

賜額淨照寺

南禪寺在縣南三里

鷄鳴觀在縣西文昌坊

沅江縣

通惠寺在縣東四十里有古栢二株宋周化通惠寺
詩不雨山常潤無雲竹自陰

道場寺在縣東五十里

萬安寺在縣東六十里舊傳呂岳三過此多吟咏

景星寺在縣西一里

烏龍寺在縣西四十里內有卧龍墨池

金匱縣志卷八
八
滄浪寺在縣南三十里

辰州府

沅陵縣

報恩寺在府治東天寧山舊名天寧萬壽寺宋紹興間改今額

普安寺在府治東宋大德中建

三嵎寺在城東三嵎山唐貞觀初建

隆興寺在城西虎谿山明王守仁虎谿隆興寺聞楊

名父將到留韻壁間詩杖藜一過虎谿頭何處僧房
是惠休雲起峯間沉閣影林疎地底見江流烟花日
暖猶含雨鷗鷺春閒自滿洲好景同遊不同賞篇章
還為故人畱

玄妙觀在府治北鶴鳴山頂宋至道初建名天慶明
洪武中改今名

瀘溪縣

廣福寺在縣治右明萬歷元年建

延禧觀在縣北

辰溪縣

廣恩寺在縣西觀音山下元至正中建

栢廷觀在縣南大酉山下宋元豐八年建

龍興觀在縣西南十五里龜山下宋祥符初封蓋卷
先生墓禁樵採立祠堂道院於此改今名

淑浦縣

普化寺在縣東宋元豐間建

景星觀在縣東

沅州

慧慶寺在州城東門內宋紹興初建

鴈埵寺在古台山明萬厯間建

佑聖觀在舊衛治前元至正間建

黔陽縣

普明寺在縣東龍標山宋熙寧中建

勝覺寺在縣東廣福山宋祥符中建

歸化寺在縣西四十里宋熙寧中建

淨化寺在縣西南原神鄉象牙山上

元靈觀在縣北宋大觀初建

麻陽縣

同天寺在縣治西宋熙寧間建

湘山寺在城東河岸山巔明正德間建

玉華觀在縣南明洪武中建

永順府

永順縣

玉極殿 觀音殿 蟠桃庵

保靖縣

玉宸宮在縣西

三清殿在縣東

觀音閣在縣西

聖母殿在縣南

桑植縣

觀音閣 大泉寺

直隸澧州

澧州

道林寺在州東六十里

永興寺在州署西宋元祐間建

欽山寺在州西十五里唐文遠禪師道場

羅漢寺在州南六十里

藥山寺在州南九十里唐惟儼禪師院

龍潭寺在州北一里指月錄崇信禪師渚宮人也初
悟和尚居天皇寺師投出家求指示心要初悟曰任
性逍遙隨緣放曠但盡凡心別無聖解後詣澧州龍
潭栖止

白雲寺在州北三十里

藍田寺在州北四十里

靈泉寺在州北四十里宋建水之文詩曲曲山隈古
寺踈踈田野人家屋暗不知高日林深惟見落花

南嶽觀在州東四十里金沙洲

墨山觀在州南七十里長樂村

天花觀在州北七十里

長生觀在州東北七十里

安鄉縣

普光禪寺在縣治東

惠慶寺在縣北五十里西田高村

太平興國觀在縣北一里距范仲淹讀書臺僅數武

觀有碑記范文正公讀書安鄉時有司馬道士常羽翼之

石門縣

福田寺在縣東三十里唐咸通中建

觀音寺在縣北二十里

夾山寺在縣東南三十里善會禪師道場

層山寺在縣東北三里

朝真觀在縣治右

僊鳳觀在縣東北三十里

白鶴觀在縣西北四十里

慈利縣

鐵佛寺在縣城內東隅宋咸淳間建

隆興寺在縣南二都

延壽寺在縣北八都

紫霞觀在縣西南

安福縣

玉溪寺在縣西十里

長樂寺在縣南八里

直隸郴州

郴州

上僊寺在州城東十里

玉泉寺在州東五十里

開元寺在州城西

普濟寺在州城西

觀音寺在州西十里

潮泉寺在州西九十里

法寶寺在州城南

清國寺在州城南

開法寺在州南三十里

東海寺在州南三十里

碧雲庵在州南五十里五蓋山頂

長齡庵在北湖橋左

龍泉寺在州西南四十里

橘井觀在州城東即蘇僊舊宅有栢樹最古相傳為
蘇僊手植

永興縣

佑國寺在縣治東鳳凰山舊為真武廟

皇清康熙二十二年奉

旨賜額佑國寺詳見山川

太平寺在縣治西

法輪寺在縣西三十里

南臺寺在縣北十七都

蘇僊觀在縣東僊母山下

昭德觀在縣城南

宜章縣

紫珠寺在縣東九十里

開山寺在縣西九十里

普化寺在縣南二里

萬安寺在縣南九十里

福壽寺在縣西南九十里

景星觀在縣東二里

興寧縣

開福寺在縣南五里

梵安寺在縣南二十里

龍居寺在縣西北即無量壽佛所生地

桂陽縣

棲禪寺在縣城東

報恩寺在縣城南

香明寺在縣西南二十里

延生觀在縣西二十里

桂東縣

興福寺在縣城東

增福寺在縣城南

龍乘寺在縣城南

佛光寺在縣城北

直隸靖州

靖州

光明寺在州東門外一名觀音閣

綏福寺在州東三里明嘉靖間建

迎恩寺在州西一里明嘉靖間建

龍井寺在州西十里

香山寺在州西十五里明洪武十年建

光孝寺在州城南宋建

玉麟寺在州南一里明成化間建

報恩寺在州南一里明洪武三年建

觀音寺在州北

玄妙觀在州治北宋建

玄天觀在飛峯嶺

三清殿在飛峯嶺

會同縣

歸仁寺在縣西十里

迴龍寺在洪江

隱真觀在縣西呂僊寄跡處

通道縣

普光寺在縣東一里明永樂間建

寶鼎寺在縣東南三十里

迎祥觀在縣北三十里

綏寧縣

勝力寺在城西元建

香山觀在縣東



湖廣通志卷八十

欽定四庫全書

史部
湖廣通志卷八十一

詳校官監察御史

臣陳化龍

檢討

臣德生履勘

總校官知縣

臣繆琪

校對官主事

臣陳墉

謄錄監生

臣顧重光

欽定四庫全書

湖廣通志卷八十一

陵墓志

朱鳥之墟蒼梧之野古帝之弓劍在焉我

國家有大典禮必遣大臣祭告犧尊龍勺焜耀山林
仰見

聖天子稽古宗德之意深矣名賢之墓免租給復使其
子孫世守之若堂若斧之封樵採不入筆之於書

俾後來者知下馬之陵起九京之墓雖有豐碑巨刻不如翰墨之行遠而垂久也

武昌府

漢蠻王墓一在江夏縣東三十里一在馬岐山

荆王賈墓在大冶縣保安荆王廟後世傳九江王黥布反荆王征之歿葬於此

劉將軍墓在江夏縣東南七里舊教場內

處士彌衡墓在江夏縣西鸚鵡洲今沒

黃楊墓在江夏縣東三十里舊在鸚鵡村棘林

三國將軍甘寧墓在興國州東六十里軍山之陽

將軍呂蒙墓在嘉魚縣石頭口呂蒙城內

將軍丁奉墓在蒲圻縣龜湘六口

吳太子孫登墓在武昌縣五丈港口

司空孟母墓在江夏縣鳳凰山下題曰郭孝子母

墓非是

晉都督陶侃墓九域志在江夏

闕
條墓在江夏縣今失其處

車騎將軍戴淵墓在武昌縣西二十里

車武士墓在武昌縣東三十里車湖上

陽新令孟嘉墓在興國州南陽新里孟家堰永和
嘉嘗為陽新令歿葬此

南北朝宋高祖墓在大冶縣北按史在建康

唐司空溫遷約墓在崇陽縣西之靈塘

銀青光祿大夫王文蔚墓在大冶縣西南

李後主墓在通山縣翠屏山北

宋通判趙令戔墓在武昌縣吉祥寺側令戔宋宗室
李翔墓在興國州東南崇慶里

夏廷震墓在興國州南朝陽里

烏岩劉公四郎墓在興國州西一百里烏岩村

樞密馮京墓在江夏縣南百里保安池上靈溪鄉有
司徒廟沼山別有祖塋咸寧亦載京墓

中奉大夫邵應豹墓在武昌縣成山頂碑云開國男

菊逸先生即邵家璫之墓

知縣孔端植墓在通城縣南九峯山端植先聖裔熙
寧間卒於官

永國公孟宗政墓在武昌縣靈溪鄉清水塘

宋士郭一新墓在嘉魚縣龍潭山掘地得壙記云諱
一新字德源汾陽人

朝奉大夫陳求道墓在蒲圻縣東二十四都興陂

李夫人墓在蒲圻縣西樓下里大濟寺側宋光宗後

母

王鄴墓在江夏縣南山

尚書彭汝礪墓在興國州南三十五里俗呼彭尚書墓傍有祠

吉國公孟珙墓珙為制帥隨州李廷芝感其知己扶柩塋之興國今失其處

狀元楊起莘墓在通城縣西南

分教母制機墓在大冶縣東黃龍山制機蜀人分教

黃州兼領雪堂河南兩書院教人必明體適用學者
稱為平山先生謝枋得有銘

樞密王朝卿墓在蒲圻縣十二都襄敏公韶之孫捍
寇有功張彬撰碑文

丞相胡汧墓在崇陽縣東回頭嶺上

樞密馮京祖墓在大冶縣沼山

萬止齋墓在大冶縣西陽里龜山

將軍呂文德墓在大冶縣道士汭

元丁鶴年墓在武昌縣樊山上楚人嘗遣人祭之碑
文今存

威順王太子墓一名勝像寶塔在黃鶴樓前天啟元
年塔下石牆裂寸許有烟騰出或云墓燈也

參政楊昭墓在武昌縣賢庾鄉赤坡堡昭隴西人
偽漢陳友諒墓在按察司後

學士李鵬翔墓在蒲圻縣黃板橋

明楚昭莊憲康靖端愍恭八王墓在江夏縣東南六

十里靈泉山

永安懿簡莊惠悼懷靖懿昭定五郡王墓在江夏縣東

巴陵悼簡王墓在江夏縣東

壽昌安僖靖和莊穆三郡王墓在江夏縣西興源

通山靖恭莊簡安惠溫定莊穆五郡王墓在城東五

十里四股山麓有進山牌樓

竟陵順靖王墓在江夏縣東五十里

江夏康靖悼順安惠端僖四郡王墓在江夏縣東五十里

東安恭定昭簡二郡王墓在江夏縣東五十里

大冶悼僖王墓在江夏縣東五十里

縉雲懷僖郡王墓在江夏縣永豐山

保康王墓在江夏縣東

御史范俊墓在大冶縣宮臺張家山

興安伯徐祥墓在大冶縣東三十里

都御史徐鏞墓在江夏縣洪山北勅葬

提學沈鍾墓在江夏縣夾山村南湖嘴

都御史陳智墓在咸寧縣官埠橋今遷下好橋

都御史李田墓在嘉魚縣南十里白面山之右勅葬

布政使李祥墓在咸寧縣下好橋

御史方洙墓在咸寧縣十二都白沙灣月山

都御史戴書墓在崇陽縣背田畝勅葬

大理寺卿汪文盛墓在崇陽縣白洋山勅葬

參將張善墓在江夏縣東南長樂山

吳亮墓在江夏縣東南伏虎山

太保呂調陽祖墓在大冶縣茅潭里

知縣黎庸墓在大冶縣興道觀左

尚書郭正域墓在江夏縣長樂村

賀陽亨墓在江夏縣八公山

大學士賀逢聖墓在江夏縣東南張家橋

御史吳裕中墓在江夏縣南蘭嘉山

經畧熊廷弼墓在江夏縣南黃鶴里

知府劉民悅墓在江夏縣黃鶴里白珠山

副使吳思溫墓在江夏縣南湘東里

參政吳雲墓在京口又載德安

母子貞烈唐氏墓在武昌縣西詳烈女

長山烈婦墓在江夏縣長山鋪

尚書劉維基在蒲圻縣東山麓

參議李廣墓在蒲圻縣黃岡坂

郎中王煥墓在蒲圻縣一都梅家嘴

侍郎孟養浩墓在蒲圻縣茅壇賜墓祭

參議趙邦柱墓在蒲圻縣馬橋尖山

副使趙嗣芳墓在蒲圻縣茅壇孟墓左

中憲大夫余玉節墓在大冶縣欄中橋

奉直大夫胡希琰墓在大冶縣牌樓嘴

百鳥護墓之墓在蒲圻縣金口嶺明萬厯中民黃美
金每於冬雪煮食以飼饑鳥及卒羣鳥哀鳴出墓則

繞柳盤飛前道至壙填草滿穴墓畢聚塚數日乃散
鄉人刻石記異

漢陽府

周令尹子文墓在漢川縣西二里姚公山

漢劉琦墓在府城魯山琦漢荊州牧表之子

孝子董永墓在孝感縣東十里廣陽鄉其左有塚相
傳為永父塚又揚州如皋縣亦有永塚

孝子董黯墓在孝感縣北三十里董城有唐徐浩所

書碑碣又寧波府慈谿縣亦有贗墓

晉朱伺墓在漢川縣甌山下

唐牛夫人墓在府城西三里舊傳牛僧儒治鄂州時其妻葬此

毋丘將軍墓在府城西五里

木蘭將軍墓黃陂志謂為朱氏女不知何代人明時盜發其墓風雷衛止詳雜記

宋參軍張沂墓在府治沌口

四君墓在孝感縣劉家店臺子岡下天啟五年邑人
中丞劉應遇方為部郎卜地於此塋其先人掘土得
軌軌穿而四槩見急掩之且修塋去其夜夢朱衣冠
笏者四通謁曰宋四君頓首謝應遇為立石表之曰
宋四君遺墓竟不知何人也

參軍張文翼墓在府城

元胡丞相墓在漢川縣周陂鄉風門下流水泐槩見
萬厯己未邑令彭改塋磚有大元胡丞相之墓七字

後有泰定三年四大字其餘不可辨

御史尹晉墓在漢川縣鷄鳴鄉趙仙嶺

御史尹良任墓在漢川縣梅城繫馬口

主事岳從義墓在漢川縣繫馬口

平章察罕墓在孝感縣白雲山其母河東太夫人李

氏墓在教子山

平章余仁裕墓在孝感縣天娥陂

明教授趙弼墓在府城西四十里

主事陳福墓在府城外馬家湖

御史傅桂墓在府治九真山北麓

給諫胡金墓在府城外馬家湖

郎中董寅墓在府治鉅龍岡

御史朱衣墓在府治湯家山

尚書戴金墓在府治公仁山

御史朱寵墓在府治千子山

員外張緒墓在府治馬鞍山東青龍嘴

封給事李鍊墓在府治九真山北鳳棲岡

給事李宗魯墓在府治龍霓山周家港

太常王秩墓在府治蒲潭官寮湖

知府王一麟墓在府治曹家莊

給事曾廷芝墓在府治沌陽岡

太僕蔡結墓在漢川縣馬成行

祭酒蕭良有墓在府治沌口後山賜祭墓

參政蕭良譽墓在府治萬家湖

副使孫瑀墓在府治索子河

府尹秦聚奎墓在府治龍湖

知府吳嘉謨墓在府治曹家莊

布政蕭鳴甲墓在曹家莊

太僕李若愚墓在府治西崇文嶺

布政蕭丁泰墓在府治西沌口孫家嘴

知州王家賓墓在府治萬家湖

尚書凌公墓在黃陂縣趕金城

都御史張瓚墓在孝感縣

按察楊璋墓在孝感縣東三十里

布政王琰墓在孝感縣天娥陂

贈都御史傅偉墓在孝感縣棗源河

太僕卿程學博墓在孝感縣魯家寺

巡撫劉應遇墓在孝感縣弘樂鄉

尚書程註墓在孝感縣張家山

太僕丞程學顏墓在孝感縣東里

皇清都督徐勇墓在府城西七里奉

旨祭墓

大理卿李昌祚墓在府治西千子山奉

旨祭墓

學士熊伯龍墓在府城西六十里新壽堡

贈大學士熊祚延墓在孝感縣宏樂鄉鄧家田

侍郎嚴正矩墓在孝感縣宏樂鄉殷家山

大學士吳正治墓在漢陽縣小麥山

夏節婦墓在孝感縣金壁山長孫翰林立中祔墓墓
西

黃州府

漢舞陽侯樊噲墓在府城西北噲食邑舞陽薨葬於
此

花橋墓在麻城縣俗傳為漢毛玠墓

南北朝參軍鮑照墓在黃梅縣北

學士謝晦墓在黃梅縣西俗謂之謝鐵龍墓

隋吏部徐儉墓在廣濟縣惠山

唐閻家河三水灣墓俗傳為孟學士又為洪州都督

閻伯嶼

佛母墓在黃梅縣東係五祖之母周氏塔

宋少保王韶墓在羅田縣北三十里

任氏墓在府城蘇軾乳母從軾至黃卒塋東阜有誌

陳慥墓在麻城縣岐亭

學士王仲瑄墓在黃梅縣東五十里

學士張塤墓在廣濟縣北五里

刺史王濟墓在廣濟縣車防山

安撫使余玠墓在廣濟縣東

學士陶穀墓在蘄水縣金鼓山

岳雷岳霆墓在黃梅縣西陽梅嶺

義門陳宗達墓在黃梅縣繪亭港有碑

元儒學提舉龍仁夫墓在府城陽邏華山

虞家墩墓在麻城縣古城有虞集撰誌

明荆憲王墓在蘄州十五里大泉山

康蘄國公祖墓在蘄州大同上鄉

安吉侯柳良正墓在蘄州崇居打鼓臺

學士詹同墓在府城北九十里雷公岡

吏部尚書吳琳墓在府城中和上鄉官溪勅塋

都御史謝泉墓在府城楓樹橋

布政使徐木墓在府城礮石山

都御史鄒來學墓在麻城縣西樊家橋

兵部尚書劉天和墓在麻城縣南勅塋

知縣李時珍墓在蘄州東五里竹林湖

刑部尚書馮天馥墓在蘄州東十里勅塋

提學御史周禧墓在蘄州東五里

叅政顧敦墓在蘄州北八十里

御史周大霖墓在蘄州東五里

刑部尚書王廷瞻墓在黃岡縣寶珠墩

太保耿定向墓在黃安縣北袁英河

副使李樹初墓在蘄州東十五里

寇學海墓在廣濟縣東五里

孝子史玉明墓在廣濟縣東南十里

宣武將軍劉應春墓在羅田縣多雲鄉

舉人王一翥墓在巴河縣鳳凰山

皇清狀元劉子壯墓在府城北鐵金鈎

學士曹本榮墓在府城外山川壇

張鵬翔墓在黃安縣南六十里揭家田

盧爾悌墓在黃安縣南六十里勝道畝

烈女墓在黃安縣北三十里清水塘

安陸府

春秋楚平王墓在府城外二十里

楚王墓在京山縣北八十里有大墓數十莫詳其名
夫人樊姬墓在府治西姬楚莊王夫人唐張九齡有
詩

令尹孫叔敖墓在府城石板灘

春申君黃歇墓在荊門州西南九十里

按荊州常德俱有春申墓

羊角哀墓

左伯桃墓俱在荊門州西南九十里

漢荆王墓在當陽縣黃泥岡

關帝墓在當陽縣西五里章鄉玉泉山舊有祠雍正

十年巡撫王士俊重修

詳祠廟志

南北朝尚書沈約墓在荊門州西

唐許相公墓在京山縣南五十里或云許仲謨墓

宋蘇侍郎墓在府城太陽山宋人失其名

光祿胡淵墓在當陽縣北二十里苦行溪淵文定公父

學士胡安國墓在當陽縣北十五里龍泉山

廉訪使幹公墓在當陽縣西十五里

市買娘子墓在京山縣東北六十里富水之野

侍郎白公墓在荊門州南九十里

元知州聶炳墓在當陽縣西十五里玉泉東炳江夏

人

明興獻遺陵在純德山去府城十里

郢靖王墓在府東南二十里寶鶴山

梁莊王墓在府東南三十里瑜靈山

都御史劉洪墓在荊門州南四十里石門山

劉渠墓與洪同地

都御史李浩墓在荊門州北十五里池河源

按察周憲墓在荊門州北八十里臺陂村憲謚節愍

都指揮余隆墓在潛江縣東北荷湖垸

襲都指揮余威墓在潛江縣蘆汭威隆弟

按察使張倫墓在縣西南三十里廟崗坡

提學沈文華墓在府城盤石嶺

尚書孫交墓在府城北焦山

知府黎永明墓在京山縣紅花嶼之白雲窩

侍郎黎奭墓與永明同地

尚書張漢墓在府城北花山

布政虞信墓在沔陽州江北

郎中歐陽謙墓在沔陽州嵩嶺

郎中邵暹墓在沔陽州漢廣門內

知府陳勛墓在沔陽州江北

知府劉鈺墓在沔陽州浮圖院

副使吳欽墓在沔陽州岳廟

運使李慶墓在天門縣諸葛嶺

祭酒魯鐸墓在天門縣正林鐸諡文恪

御史商大節墓在鍾祥縣紗帽山

知府童旭墓在沔陽州峭板村

洗馬童承叙墓全上

按察張從道墓在京山縣西南三十里

僉事王希旦墓在京山縣禪房山

尚書李維正墓在京山縣韓家港

提學陳文燭墓在沔陽州石家港

知縣郝敬墓在京山縣西二十里青龍河九花坑臺

西

少保周嘉謨墓在天門縣東七十里松石湖諭祭墓
尚書曾省吾祖墓在府城東十里

提學鍾惺墓在天門縣魯阪

任氏三烈墓在天門縣北五里邑學訓導任高妻李
氏偕長女瑞姑次女留姑賊逼赴水死

解元譚元春墓在天門縣白竹臺

皇清侍郎胡作梅墓在荊門州邱遮橋東二里

口北道江鼎金墓在荊門州鐵老嘴

德安府

春秋楚王千金塚在雲夢縣西北十數里有荒塚三丈者數百相傳楚平王疑塚

楚武王墓在應城縣楠地傍有三塚相傳楚武王墓隨侯墓在隨州北九十里石門高二丈相傳為隨侯塚

漢孝子黃香墓在府署東十數武九域志在安陸縣黃瓊墓在安陸縣西北兆山下雷公廟會茶庵路傍

唐宰相許紹墓在安陸縣東十八里紫石村

孝昌公許智仁墓智仁紹子其墓同域

北平楊節婦墓在雲夢縣東城內張家塘西氏適太原王圯遇人不淑與圯義絕內弟劉侔居雲氏因依之有二子俱夭矢志苦守以節終侔為作墓志年久墓平里人掘地得石始悉其事

宋著作郎張君房墓在安陸縣南二十里董店俗呼張金紫墓

學士鄭獬墓明一統志在安陸縣獬卒子弱蒙塋僧舍十餘年後勝甫為安州始克塋

尚書歐陽華墓在應城縣高風鄉彭樂村

知縣連庠墓在應山縣西五里三鍾山下

元汪應辰墓在安陸縣西北進士汪瑛父

趙孝婦墓在應城縣南十里龍港口

明知縣計道公墓在雲夢縣城內東北隅雍正七年知縣葉居仁重修道公常熟人洪武初令雲夢以禦

賊死因葬於此

樞密余雄仁墓在應城縣西四十里

尚書吳雲墓在應山縣西五十里井子鋪雲宜興人
征交趾還卒葬此諡忠節

尚書陳金墓在應城縣東望龍岡勅葬

侍郎陳軾墓在應城縣沙陂岡勅葬

尚書陳壽墓在隨州東三十里勅葬

徐朗墓在安陸縣北八里太平鄉

僉事陳琳墓在應城縣西南十里望龍岡贈都御史
勅墓

尚書傅鳳翔墓在應山縣東五十里龍王寨勅墓
御史吳翰詞墓在應山縣北十里

侍郎余應緒墓在應城縣西南三十里勅墓
副都高翀墓在安陸縣西四十里橫山下

侍郎何遷墓在安陸縣東十八里紫石橋

都御史楊連墓在應山縣東二十里天井澗

陳烈婦墓在應山縣北二里

皇清彭大壽墓在雲夢縣南四十里許家村

郝烈女墓在雲夢縣郝家樓

荊州府

春秋楚穆王墓在枝江縣南二十里長樂鄉

莊王墓在府城西龍山前後陪墓者十塚俱成行列

康王墓在府城西

平王墓在府城東蓆臺湖一載安陸

昭王墓在枝江當陽兩縣境內

懷王墓在枝江縣張說詩客死曉關路反葬枝江陽
孫叔敖墓明一統志在江陵故城中白土里去郢城
北二十里叔敖曰葬我於江陵後當為萬戶邑或載
安陸

春申君墓在府東七十里黃歇塚

伍子胥墓在監利縣七十里梅林院按子胥死吳賜
之鴟夷而浮之江此疑子胥父兄之墓

樊姬墓在郢城西或載安陸

趙岐墓在荊州古郢城中

三國吳丞相陸遜墓在宜都縣東南十里遜宜都太守破蜀卒葬此

晉太傅謝安墓在石首縣長亭港

南北朝梁元帝陵在府城津陽門外唐劉禹錫有詩
宣帝陵在城北紀山劉禹錫有詩

明帝陵在城北紀山

忠烈世子墓元帝長子在城北紀山

愍懷太子墓元帝世子在城北紀山

顏之推父母墓在城東草市見顏氏家訓

唐尚書劉度墓在石首縣東

高氏三王墓在府城西龍山鄉南平高氏武信王季
興文獻王從誨正懿王寶融

宋參政唐介墓在府城西龍山劉贊撰碑

知南郡畢漸墓在府城東百二十里漸潛江人紹聖

初狀元

宋將謝海墓在石首縣黃田湖南畔

學士趙觀墓在石首縣白泥湖東畔

學士趙嘉猷墓在石首縣劉田岡

張商英墓在宜都縣東十里白羊驛後

刺史成懷墓在石首縣沙湖成家橋東畔

枝江令姚肩墓在縣上百里洲

朝散大夫史子翬墓在枝江縣石龍口

元御史蕭明墓在石首縣楚望山東畔

郭太師墓在監利縣西江岸

明湘獻王墓在府城西太暉山

遼簡肅靖惠恭莊六王墓在府城八嶺山

尚書劉偶墓在府城西十里永樂中征安南死節勅
有司塋衣冠於此

贈太傅張勇墓在府城東南

大學士楊溥墓在石首縣西二十里高陵岡正統十

一年勅葬

尚書伍文定墓在松滋縣南百二十里臺山

尚書鄒文盛墓在公安縣南三十里張庄鋪

大學士袁宗皋墓在石首縣東白泥湖

大學士張壁墓在石首縣大南門外

大學士張居正墓在府城東三里沙橋東南

千戶覃達墓在枝江縣西南十五里達荆門衛千戶

死事勅葬

侍郎鄒師顏墓在宜都縣西北三里

太常余謙墓在宜都縣東三里

皇清左都督張忠孝墓在夔陵州東

襄陽府

春秋楚昭王墓襄陽縣習家池北當以在荊州者為
是南齊建元中盜發塚得古書竹簡後沈約亦得數
策以示劉繪繪云周禮逸篇

楚莊王墓襄陽縣北鄧城鎮鄠城內

按荊州亦有莊
王墓未詳孰是

楚平王墓宜城縣南四十五里虛塚

穀伯綏墓在穀城縣穀山

宋玉墓在宜城縣南六里

卞和墓在南漳縣西南百二十里抱玉崖東

伍舉墓在光化縣富鄉村

金汁墓在宜城縣南乃浣紗女墓伍子胥攜墓於此
以鐵汁灌墓故名

淳于髡墓在宜城縣西北十七里善謔驛西即放鵠

所

漢章陵在棗陽縣南光武祖春陵侯諸墓

南頓君墓在襄陽縣東光武父南頓令欽也

細陽侯岑彭墓在棗陽縣東北四十里

匡王墓在宜城東七里

徵君黃憲墓在宜城縣北官路東十五里

婁壽墓在光化縣東南十八里有碑漢熹平中立題

云先儒婁先生之墓

荊州劉表墓水經注在城東門外二百步大康中為人所發見表夫妻其尸儼然顏色不異猶如平生墓中香氣遠聞三四里經月不歇今墳塚及祠堂猶高顯整頓

馬王墓在宜城縣西南四十里疑即馬良塚

七十二塚在宜城縣北至潼口大塚七十二相傳漢唐宋元名臣墓

三國將軍向寵墓在宜城縣毛家港一里

晉太醫令王叔和墓在襄陽縣南峴山麓上

侍中習郁墓在襄陽縣城習家池上

唐處士孟浩然墓在襄陽縣鹿門山宋顏薨詩可憐

垂世詩千首換得荒墳數尺碑

尚書張柬之墓在穀城縣涓口

鄧國公墓在穀城縣西

宋太傅張士遜墓在光化縣紅崖仁宗御篆墓碑曰

舊德之碑

知縣歐慶墓在光化縣廣節山

李仲芳墓在光化縣遵教鄉

梁王墓在均州西南八十里

江元帥墓在均州馬鞍山今失其名

歐陽國公墓在宜城縣東十二里魯公冲有三塚世失其名

明襄憲王墓在襄陽縣城西永安山

侍郎李文郁墓在襄陽縣城西仰家冲

尚書任亨泰墓在襄陽縣城南鳳山勅葬

侍郎孔文英墓在襄陽縣峴山

侍郎艾福墓在襄陽縣百丈山

王忠墓

節婦岳氏墓在襄陽縣城鳳凰山中夫王忠死國難

氏守節勅葬

都督王信墓王忠子葬地同

知府何源墓在襄陽縣百丈山冠蓋里

御史王觀墓在棗陽縣東古城內

御史王琰墓在棗陽縣東古城內

郎中尚冕墓在棗陽縣南三里

御史李端墓在棗陽河東一里

李邦用墓在棗陽縣

尚書鄭繼之墓在棗陽縣峴山

鄖陽府

周尹吉甫墓在房縣東七里有碑剥落

戰國趙王墓在房縣北九里秦使王翦滅趙徙王於房陵王恩故鄉作山謳聞者流涕

漢宣平侯張敖墓在房縣西百里

唐廬陵世子墓在房縣西三十里世傳中宗在房州時韋后生子殒葬此

宋濮王墓在鄖縣東北六里王太宗第三子

張相國墓在鄖西縣四里華表石人疑即張士遜之墓

裴侍郎墓在竹谿縣東百里

楊六郎墓在竹谿縣東三里

嘉祐太子墓在竹谿縣西二里

元房州守任道墓在房縣西北三十里石山麓洪武

後子孫有官者分列於左右

麻衣真人墓在鄖縣西白鶴觀

九女塚在鄖縣

太子墓在鄖西縣南三十里世失其名

古墓在鄖西縣北五十里馬鞍山華表二未詳何人
金花墳在鄖西縣南門子城內

節婦墓在鄖西縣舊上津縣南五里

烈女墓在舊上津縣北一里

直隸歸州

古蠻王墓在恩施縣城西南一百二十里又城北都
亭鄉有崖高百餘丈崖腹有穴一十二皆藏柩之所
相傳以為古蠻王墓

周巴蔓子墓在恩施縣北都亭山

三閭大夫墓在州東五里地名馬房

唐曹王梟墓在長陽縣西南六十里梟唐宗室為江陵節度使卒塋此

宋晏谷珍墓在興山縣西三十五里谷珍舉進士第

一

長沙府

上古少昊氏陵在茶陵州露水鄉按少昊塋於雲陽

在今山東兗州府曲阜縣舊志記

軒轅氏陵在湘陰縣鼎湖按史記五帝本紀注黃帝塚在上郡橋山在今陝西延安府中部縣舊志記

周屈原墓在湘陰縣汨羅江上通典羅江有屈原塚今有石碑文曰楚放臣屈大夫之碑其餘字滅矣

漢長沙王吳芮墓在長沙縣西北漢高祖五年封芮為長沙王薨葬於此水經注臨湘縣北有吳芮塚廣踰六十八尺登臨寫目為屢郭之佳憇也郭頌世語

云魏黃初末吳人發芮塚取木於縣立孫堅廟見芮尸容貌衣服並如故吳平後預發塚人於壽春見南蠻校尉吳綱曰君容貌何類長沙王吳芮乎但君微短耳綱瞿然曰是先祖也自芮卒至塚發四百年至見綱又四十餘年矣

程唐二姬墓在長沙縣東門外漢書長沙定王發列傳發母唐姬故程姬侍者景帝召程姬程姬有所避不願進而飾侍者唐兒使夜進上醉不知以為程姬

而幸之遂有身已乃覺非程姬也及生子名曰發

高密侯鄧禹墓在湘鄉縣西八十里

唐紅拂墓在醴陵縣西山

相國裴休墓在寧鄉縣大瀉山下

宋相國章得象墓在善化縣一都仙人市

相國趙汝愚墓在善化縣南高峯寺後

諫議大夫龔夬墓在長沙縣城北二里夬仕宋為諫

議大夫與兄奉議俱以直言斥嶺表卒乾道間夬子

潞迎二喪歸塋刻石表墓

魏公張浚墓在寧鄉縣南楓林鄉龍塘之原朱子張
魏公行狀公諱浚字德遠蜀之廣漢人登政和八年
進士第紹興末以觀文殿大學士判潭州因家焉公
生平力主恢復忤執政屢被謫斥尋復召用隆興二
年尹樞上疏劾公用兵之非公連章乞致仕乃以少
師保信節度使判福州孟秋既望公薦祖考既奠而
跌起嘆曰吾大命不遠矣遂手書付子栻等曰吾嘗

相國家不能恢復中原盡雪祖宗之恥即死不當葬
先人墓左葬我衡山足矣仲秋二十六日行次余干
越三日薨棡等不敢違公志扶護還潭以是年十一
月辛亥葬於衡山縣南嶽之陰楓林鄉龍潭之原公
初娶楊國夫人樂氏再娶蜀國夫人宇文氏亦葬衡
山與公同兆異穴

安撫張棡墓在魏公墓右南軒卒於江陵遺言還柩
先塚朱子張安撫神道碑淳熙七年春二月甲申秘

閣修撰荆湖北路安撫廣漢張公卒於江陵之府舍
其弟衡州使君杓護其柩以歸塋於潭州衡山縣楓
林鄉龍塘之原按朱子魏公行狀及安撫神道碑二
墓皆在衡山今墓地屬寧鄉其鄉實曰楓林或朱子
集偶刊誤也

義士袁顯墓在益陽縣城南河龍橋畔

明侍郎王偉墓在長沙縣灤塘江秀峰山

尚書夏原吉墓在湘陰縣鎮朔南門外

少宰王寶墓在長沙縣智度山

大理劉弘化墓在長沙縣飛花山

侍郎劉憲墓在益陽縣南杏山

贈太僕蔡道憲墓在府城外醴陵坡

皇清康熙六年縣令環砌以磚外開墓道

皇清總督河道侍郎諡恪勤陳鵬年墓在湘潭縣十四

都東霧山

衡州府

上古赫胥氏墓在南嶽朝陽峯衡嶽志赫胥氏厥紀
禪通始於潛山路史曰潛山即衡嶽天柱山仙傳拾
遺曰赫胥尊民而重事其卒也塋於衡山之朝陽峯
炎帝陵在鄴縣康樂鄉舊茶陵之茶鄉帝王世紀炎
帝在位百二十年而塋於長沙羅泌路史炎帝塋長
沙茶鄉之尾是曰茶陵唐世嘗奉祀焉宋太祖夢感
見帝於是馳節匭求得諸南方即貌祀時序隆三獻
焉舊志宋乾德五年建祠以祝融配享置守陵戶明

益拓而新之嘉靖間建聖容殿謹按

國朝典禮歷代帝王陵寢有司以時修理有大事皆遣
官祭告以昭道統相承景行前哲之至意

御製祭告炎帝陵文恭錄首卷

祝融氏墓在衡山之陽水經注岫嶺山南有祝融塚
羅泌路史祝融氏以火施化號赤帝故後世火官因
以為稱都於鄆故鄭為祝融之墟其治百年葬衡山
是為祝融峯也

東漢處士羅訓墓在耒陽縣樟棹嶺

尚書胡騰墓在桂陽州治西北六十里

晉寧王墓在桂陽州治西八十里

中散大夫羅含墓在耒陽縣南四十里

唐拔野古墓在耒陽縣南一里

李勣墓相傳在衡山沙泉

杜甫墓在耒陽縣治北郭外耒江左畔洞陽觀之西
唐書杜甫傳甫留滯耒陽遊岳祠會大水涉旬不得

食縣令具舟迎之餽以牛炙白酒大醉一夕卒

節度使墓姓無考

天貴墓在藍山縣大慈鄉北二十二都

馬殷墓在衡陽縣北上潢水畔通鑑紀事元興二年

冬十二月庚申葬武穆王於衡陽

宋韓太尉墓在安仁縣東南一里太尉名京安仁人
紹興間勅葬於此詳見人物

胡文定安國墓在衡山縣紫蓋鄉

趙清獻扞墓在衡山六都

明忠誠伯茹瑺墓在衡山縣巾紫峯下

工部侍郎王詔墓在府城西五里

兵部尚書劉堯誨墓在府城南七十里長平鄉萬厯

丁亥諭墓

禮部尚書曾朝節墓在府城北伊田舖萬厯甲辰諭

墓

參議伍讓墓在府城北政義二都

太常寺卿陳宗契墓在府城西八十里花江

布政使朱炳如墓在府城西十里

伍定相墓在衡陽清化三都

按察使李璽墓在耒陽縣南竈市村

按察使胡文璧墓在耒陽縣北栗塘鋪

永州府

虞帝舜陵在寧遠縣九疑山一名永陵山海經赤水之東有蒼梧之野舜所葬也郭璞傳曰今在九疑之

中史記五帝紀舜年六十一踐帝位四十九年南巡狩崩於蒼梧之野葬於江南九疑是為零陵皇覽傳曰舜葬蒼梧象為之耕漢書武帝紀元封五年冬行南巡狩至於盛唐望祀虞舜於九疑府志舜陵在九疑山女英峯下三代祭舜於大陽溪遺壇猶在秦漢立廟龜蚘文礎磊磊尚存宋時禁樵採置守陵五戶明載祀典建廟簫韶峯下謹按

國朝典禮並同炎帝陵

御製祭告帝舜陵文恭錄首卷

漢春陵侯墓在寧遠縣北六十里春陵侯買自元朔
五年受封於泠道之春陵鄉傳戴侯熊渠至孝侯仁
徙南陽此蓋孝侯以上所塋

零陵太守龍述墓在府城北一里述守零陵卒遂塋
於此名曰廉威阡子孫因家焉府志宋張延曰有盛
德者必百世祀由漢距今千有餘歲子孫嗣續不替
邱壠歸然如龍伯高庸非盛德所致

龍平侯熊尚墓在道州北四十里龍村有碑立於漢
獻帝二十一年丙申宋刺史王繼勲與至郡西淳熙
五年太守趙汝誼命郡博士章頴考釋之鐫釋文於
石上嘉定六年郡守方信孺龕於至拙堂之前厥後
湮翳不彰明嘉靖時副使卜大同求得於州治之土
中

三國蜀漢丞相蔣琬墓在道州南三十里荆山

蔣嵩墓在道州南四十里蔣君鄉

唐秀才趙羣墓在府城北柳宗元墓誌嬰白死信孤
乃立王侯世家天水邑羣字容成系是襲祖某父某
任相及嗟然秀才胡伋伋體貌之恭藝始習娶於赤
水禮猶執南浮合浦遽遠集元和庚寅神永戢問年
二紀益以十僕夫返樞當啟蟄瀟湘之交瘞原隰追
初憫天銘茲什

太守李卿外婦馬淑墓在府城東岡之北柳宗元為
誌銘

校書覃季子墓在祁陽縣柳宗元為誌銘

狀元李邵墓在寧遠縣木塘

五代後漢天策府學士何仲舉墓在道州北二十五里

宋刑部尚書陶弼墓在零陵縣金釜山下黃庭堅為誌銘

御史中丞蔣植墓在府城東迎春亭南

胡宏墓在府城東門外塞口山

周虞賓墓虞賓惇頤之高祖墓在寧遠縣望岡

指揮使周從遠墓從遠惇頤之曾祖墓在寧遠縣石

馬塘

周知強墓知強惇頤之祖墓在道州營樂鄉安心寨
諫議大夫周輔成墓輔成惇頤之父墓在道州濂溪
故里之左

侍制周燾墓燾惇頤之子墓在道州營樂鄉

狀元吳必達墓在道州白馬渡

金紫光祿大夫周堯卿墓在永明縣紫微岡

將軍吳舜舉墓在永明縣崇福鄉

朝請大夫李長庚墓在江華縣南五里

翰林學士郭鳳墓在新田縣南鄉

元博士胡汝儒墓在零陵縣東門外

明榮順王墓在零陵縣北門外

莊順王墓在零陵縣東門外孝友山

光祿寺少卿胡節墓在零陵縣西芝山

右都御史熊繡墓在道州北五里

工部侍郎何天衢墓在道州瀟川鄉

尚書陳薦墓在祁陽縣浯溪

寶慶府

唐胡曾墓在邵陽縣東三十里

宋李傑墓在邵陽縣東龍窩嶺

王元春墓在邵陽縣東

楊勛墓在新化縣東石馬三都

明江川王墓在邵陽縣梅子井

岷莊王墓在武岡州同保山

都御史唐鳳儀墓在邵陽縣北二里

千戶康信墓在邵陽縣南楓山下信死國事勅葬

參政車大任墓在邵陽縣東白馬田

太常少卿劉應龍墓在邵陽縣東三里

劉孔暉墓在邵陽南九十里贈尚寶卿

同知王尚賢墓在邵陽縣北玉橋鋪

左布政彭克濟墓在邵陽縣長烟冲鋪

吏部郎中劉顯墓在新化縣石馬二都

知州袁寧墓在新化縣大陽六都

知府伍佐墓在新化縣大陽二都

太僕少卿鄒廷望墓在新化縣大陽四都

御史謝宗禮墓在武岡州

孝子方觀墓在武岡州水閣橋

都御史李敏墓在新寧縣白沙鄉

岳州府

虞舜二妃墓在巴陵縣君山括地志二妃塚在湘陰
北一百六十里青草山上列女傳云舜陟方二妃死
於江湖之間因葬焉朱子韓文考異湘君湘夫人墓
在岳州君山按二說互異今據山名則朱子是也

春秋楚靈王墓在華容縣東陳氏橋北

范西戎墓在華容縣西田家湖

衣冠塚在華容縣寶慈觀相傳張驚喜飛昇弟子葬

其衣冠因名

漢都尉胡寵墓在華容縣文廟前

三國二喬墓在巴陵縣廣豐倉內漢太尉喬元二女並通春秋一適孫策一適周瑜相傳死葬於此

劉巴墓在巴陵城西巴鎮荊州卒於岳陽時人語曰生居三湘頭死葬三湘尾

唐秦公墓在巴陵縣楓橋湖

徐侍郎安貞墓在平江縣石坡洞

劉侍郎光謙墓在平江縣長慶寺

陳侍郎墓在平江縣惠果寺

白侍郎琪墓在平江縣白水寺

李侍郎安甫墓在平江縣九峯寺

陸侍郎經墓在平江縣芭蕉寺

丞相張昉墓在平江縣張湘源

宋鄧雅墓在巴陵縣青岡嶺

劉寶墓在華容縣東二十里

學士賈浩祖墓在平江縣南城外

輕騎都尉李純墓在平江縣金窩河

丞相范致虛墓在平江縣九峯寺

殿中丞吳閔中墓在平江縣田巖學堂沖

知峽州軍事吳樵墓在平江縣新田

朝散大夫吳璟偲墓在平江縣鷺台村

李賓王墓在平江縣三陽瑕

隱君凌伯愷墓在平江縣清水

李黻墓在臨湘縣南城外

江寧參軍方廷監墓在臨湘縣務承山

評事方桂英墓在臨湘縣梅溪齋

張實萬墓在臨湘縣珠興橋

河南府尹張尚祖墓在臨湘縣碧峯潭

劉渭墓在臨湘縣太平鄉隱口里

元解元方寓墓在巴陵縣南八十里

明知府唐庸墓在巴陵縣梅師橋

知府朱儼墓在巴陵縣城南

少保諡襄敏鄧廷瓚墓在巴陵縣南六十里青城嶺
都御史柳應辰墓在巴陵縣九龍堤

尚書顏頤壽墓在巴陵縣白荆堤

普實墓在巴陵縣圓通寺

楊一鵬墓在臨湘縣楠木港

懷遠將軍楊綱墓在臨湘縣青石冲

昭勇將軍諡忠愍李祥墓在臨湘縣西井里

太常寺少卿楊紹儒墓在臨湘縣山旗嘴

通判石光墓在臨湘縣大雲山

知縣阮居仁墓在臨湘縣林子冲

許節婦墓在臨湘縣灰山下

黎文僖淳墓在華容縣東二里弘治間勅葬

劉忠宣大夏墓在華容縣東二十里正德間勅葬

侍郎程萬里墓在華容縣明山南

常德府

春秋楚平王墓在府東北舊漢壽城

戰國春申君黃歇墓在府北開元寺

晉龔元之墓在武陵縣南水經注臨沅縣南有晉徵士漢壽人龔元之墓銘太元中車武子立

宋管師復墓在武陵縣北七十里紱紫山新興館之西南

周德元墓宋徵士在龍陽縣南梅溪

明典史青文勝墓在龍陽縣西二十里楊家冲

辰州府

陶唐善卷墓在辰溪縣大酉山之九峯嶺宋祥符中
有人竊發須臾雷雨交作遂莫敢犯

周穆王陵在辰溪縣鐘鼓山

宋楊瀨墓在黔陽縣南五十里

明楊茂墓在沅陵縣南七里

陳秀墓在瀘溪縣曾家渡

李登春墓在沅州大穴場

胡來縉墓在沅州北門外

直隸澧州

周赧王陵在慈利縣西十里寶珠山

晉車武子墓在澧州東三十里地名螢渚宋王齊興
詩儒生骨朽名猶在高塚相望已亂真只恐夜深螢
聚處便應泉下讀書人按武昌亦有車武子墓仍舊
志並存之

唐段弘古墓在安鄉縣黃山弘古南遊容州卒桂林

逆旅歸葬於黃山南麓柳宗元為誌其墓

五代周朴墓在慈利縣天門山

宋許恭人墓在澧州西長樂村

元鄧均忠墓在石門縣

明華陽悼隱王墓在澧州關山

太保李康和墓在州西北三十里

侍郎易英墓在澧州北七里新沙橋

給事中龔敬墓在澧州南三里梁公岡

尚書李如圭墓在澧州白巖山

匡文貞墓在石門縣

直隸郴州

楚義帝陵在州學右塚大而圓高二丈餘漢書地理志郴州縣有義陵祠

漢蘇仙母潘氏墓即蘇耽母在橘井觀之左

孝婦歐端遷妻蔡氏墓在永興縣治西北昔有人伐墓前樹者有風雷之異遂莫敢犯

唐劉相國瞻墓在州南五十里良田鋪側

五代壽母墓無量壽佛之母在州西周源山

羅仙母墓在興寧縣西羅仙山

明崔侍郎巖墓在州北下湄鋪石馬洞

何文簡孟春墓在州西永寧鄉仙岡嶺

鄭忠肅堊墓在宜章縣西一里

鄧尚書庠墓在宜章縣東一里

朱恭簡英墓在桂陽縣西謝坡

直隸靖州

唐王昌齡墓在州西南一百里龍里所

五代王淨神墓在州西北四十里大山鄉

宋楊再思墓在州西十五里下鄉

明知州蘇志墓在州西北四十里龍寶鄉

湖廣通志卷八十一